

斜川集

一

刺蓮花之炬賞心者愛讀鴻文揚錦水
之波嗜古者爭傳軼事而況貽謀忠孝
必有達人名世子孫之至鉅製零章賸
白等諸笠履之遺鏤雪裁風猶是蛾眉之
秀雖厲公遠徙早滯他鄉而華表歸
來應懷故國一堂星聚絲井里之馨香

三代雲聯成詩歌之盛舉此淵源以續宜
附斜川浩瀚去涯益欽蘊海也想其趨庭
學步辟岬橫經捧研時多人誇親炙拓
牋日久我義專家拾珠玉之餘輝揚華絕
俗聽損麇之疊奏奮藻驚天極海窮邊望
遠而馳驅煙墨清茄曉角思鄉而歸台宮

商固已聲叶三雍名齊兩賦矣然而畫又
寤寤若終難中蓬葆飄蕭深情誰告乎
抄前沒藻惜片縑之俱湮胸貯中晚唐恨
奚囊之遺拓在彼當皇史冊空傳賢嗣芳徽
憐茲板蕩家園莫覩長君遺集豈隻光遽
擅隨劫火以長焚一帙無多與黨碑而共滅歟

甚至影響存疑鉛銖辨偽謂郵亭倡和顏
似劉過錦帙莊嚴情同李代遂致吉光終掩
窺豹全全縱獲信稿常留雕龍鮮接闌幽
何日考古徒殷則有漱石名流吟香逸士牙
籤寫列識窮瀛海三千蠹粉旁搜穿卷
尼珠八百過長堤而寄慨仰止仙風歎羈客王

淹面傾心嗣響於是訪求坡紙彙入叢書
世係周祥絕少承魚之謬詞場獨擅遙存
弓冶之思長言則字之華星開卷則行之寶
唾匪特公才公望譽滿人間哉疑古節古奇
風行天外此又丹鉛在手染豪素以流傳梨棗
甘心載靈光而勿墜者也

胡清

家近潁川宦遊

岷嶺次公已往曾追水竹芳踪大姓幾何試
伯蠶業父老摩挲古碣中多兩宋科名遷
徙遺民時話三蘊譜系立功立言之後餘
堪師難兄難弟之家極盛誰繼勝懷往昔
修談元祐之中興回望鄉閭每憶象賢之
令子乃三生石畔結來文字因緣一尺冰衡

常靈考生習氣桂湖秋曉欣購異書眉嶺
春濃親瞻遺像宗工哲匠應知玉出藍田木
本水源竟使珠還合浦爰將舊刻重付新刊
合祖弼父子為一編駕漢魏齊梁而直上琛藏
故物從此祖立金川嘉惠儒林佇見蒸嘗薄
海矣

翊清

因人成事慚吾臆手之勞挹彼汪

在幸免校讐之誤教萬言幽光迸發願世
家大族為人後者皆能讀父老二十載夙願終
諧看經濟文章牧斯民老當善承公志

道光六年嘉平月上浣

中州弓翊清書



校刻斜川集原序

宋蘇叔黨先生斜川集著錄於直齋書錄解題者凡十卷宋史本傳稱二十卷久佚其傳無從攷定以世豔稱之雞林黠賈時以贗本鉤致厚價今好事家往往有錦題緗帙列之文房玩好間以供清賞者皆龍洲道人劉過詩也昔嘗懸金購求冀獲真本以與三蘇文集並行久不可得既閱王介州題跋乃知以劉集充斜川自元季已然不自近始因歎廣陵散久絕人寰矣歲在癸巳

朝廷開館纂修四庫全書

特詔儒臣從永樂大典中搜羅遺籍時山左周編修永年於各韻

下得先生詩文散片共若干首緣全書提要將外省所進斜川集

贗本駁去乃留笥不辦繼予妹壻余編修集於孫中翰溶齋偶見

槁本亟以告予予驚喜過望借歸錄副從宋文鑑東坡全集播芳

大全諸書考訂譌舛增補闕遺釐爲六卷又採他書所載遺聞軼

事輒錄附焉計其卷帙祇原集十之二三然數十年夢寐之書忽

於無意中得覩吉光片羽手鈔心誦未匝月而畢事語云物聚於

所好不信然歟友人鮑以文氏嗜竒好古先世所藏兩宋遺集多

至三百餘家亦以未見先生詩文爲憾會有南鴻之便卽以錄本

寄之以文每得異書不自珍錮枕函帳祕往往播在藝林公諸同

好更能捐貲壽梓以續六百餘年一綫之緒俾汲古之士得家置
一編以供弦誦嚮之誤收贗本者亦得悉行刊正頓遠劉集舊觀
俾龍洲仍以詩豪雄於奕世則又不獨爲蘇氏之功臣矣乾隆壬
寅二月二十九日仁和吳長元書於南城張少蓬寓廬

更二八二十七日之味樂是元清微所獻敬少靈萬靈

中諸神以時祭於太廟而又不敢廢禮凡之似曰余諱曰王

國曰無姑無歸之期必思本古亦無悉皆便至時或降其神

授更新山書經林以蘇六日餘年一錄之蘇特於古之士皆

校刻斜川集原序

內閣中書舍人趙懷玉譔

蘇氏斜川集南宋以後流傳已寡康熙閒有

詔索之未得故四朝詩中祇錄一首以存其真自餘贗本大率因
謝幼槃劉改之二人名與叔黨相類竄其集以欺世東南士大夫
家置一編而不覺近日蜀中有新槧斜川集亦龍洲道人作也乾
隆辛丑冬集大興翁學士蘇齋修東坡先生生日之祀學士手編
示余曰此叔黨斜川集從永樂大典錄出可以證諸贗本之非乃
取集中大人生日詩邀同人和焉會請急南下未及假鈔以爲耿

耿越六年丙午客桐鄉偶語鮑君以文則以文已先屬其友人仁
和吳君麗煌錄寄喜極欲狂亟索校閱有可據引者條疏於下雖
未能復宋本舊觀廬山面目庶幾可睹矣夫人情於不易見之書
則尤思慕弗釋必力購得之而後快矧祖考名德奕世稟承其文
爲史傳所稱其行爲家庭所誦光靈未泯簡冊亦神宜爲世如何
珍重哉今觀其詩文具有家法東坡好和陶而叔黨有小斜川之
作東坡善言兵而叔黨有論黎事之書出處進退未忘家國使天
假以年名或不在其父下惜乎身處末流仕又再黜輒軻道死不
獲措其蘊於天下是則才人之不幸夫然四庫之積浩如煙海君

文於其間直一稊粟耳沉晦伏匿至六百數十年而卒顯於右文
之世不可謂非幸矣是集著錄於宋史藝文志爲十卷陳氏書錄
解題馬氏通考卷數皆同永樂大典所錄殘佚之餘厘釐六卷乾
隆丁未四月付梓中間作輟涉冬而後藏事商榷讎勘以文一人
而已乾隆五十三年歲在戊申春正月

斜川集題辭

校錄斜川集寄鮑以文

仁和吳長元麗煌

蜚煙蠻雨獨相從筆下波瀾嗣乃公人誦高名瓊海外天留遺藁

玉函中

鈔自永樂大典

清游乍

識匡廬面

舊時行世皆贗本

晚景還傾靖節風

叔黨

晚景以淵明自况

寄語隱湖毛

處士蘇門會策汗青功

吳麗煌寄示斜川集志喜

歙縣鮑廷博以文

湖陰水竹繼高蹤海上文章喜亢宗蘇氏昔元推怒虎

蘇氏三虎季虎大怒

當時語也

葉公今始識真龍颶風一賦猶堪補

颶風賦從宋文鑑補錄

小圃三詩

那更逢

惠州小圃五詠僅存二首

欣賞不忘知己共遠煩千里手題封